



Broj: 10/E-11-5285/25
Sarajevo, 16-10-2025. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine, (u daljem tekstu: Komisija II), u postupku javne nabavke: Usluge rušenja i uklanjanja bespravno izgrađenih građevina, uklanjanje bespravno postavljenih sadržaja na javnim površinama, otklanjanje opasnosti i rušenja objekata za potrebe Službe za inspekcijske poslove i komunalno redarstvo, putem otvorenog postupka (Zapisnik o pregledu i ocjeni ponuda broj: 10/E-11-5285/25 od 10.10.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **KJKP „RAD“ d.o.o. Sarajevo**, ulica Paromlinska broj 57, 71000 Sarajevo, broj: 4833/25 od 10.10.2025. godine, za usluge rušenja i uklanjanja bespravno izgrađenih građevina, uklanjanje bespravno postavljenih sadržaja na javnim površinama, otklanjanje opasnosti i rušenja objekata za potrebe Službe za inspekcijske poslove i komunalno redarstvo, putem otvorenog postupka, sa cijenom u ukupnom iznosu od 4.066,50 KM bez PDV-a (*zbir jediničnih cijena*), odnosno 4.757,80 KM sa PDV-om (*zbir jediničnih cijena*).
- II.** Ugovorni organ će sa izabranim ponuđačem zaključiti okvirni sporazum na period od 2 (dvije) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima. Planirana maksimalna sredstva za cijeli period trajanja okvirnog sporazuma iznose 214.102,50 KM bez PDV-a i ista se ne mogu prekoračiti.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Usluge rušenja i uklanjanja bespravno izgrađenih građevina, uklanjanje bespravno postavljenih sadržaja na javnim površinama, otklanjanje opasnosti i rušenja objekata za potrebe Službe za inspekcijske poslove i komunalno redarstvo, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-5285/25 od 04.09.2025. godine.
Predmet nabavke nije podijeljen na lotove.

Procijenjena vrijednost javne nabavke bez uračunatog PDV-a iznosi **214.102,50 KM**, za cijeli period trajanja okvirnog sporazuma.

Obavještenje o nabavci 848-1-2-109-3-199/25 objavljeno je dana 19.9.2025. godine na Portal javnih nabavki (www.ejn.gov.ba).

U krajnjem roku za predaju ponuda koji je određenom tenderskom dokumentacijom (10.10.2025. godine do 11:00 sati), na adresu Ugovornog organa primljena je jedna ponuda dostavljena od ponuđača KJKP „RAD“ d.o.o. Sarajevo.
Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponuda i nakon što je utvrđena blagovremenost i urednost dostave, pročitana je cijena ponude, kako slijedi:

R/b	Ponuđač	Ukupna cijena bez PDV-a (KM) (zbir jediničnih cijena)	Popust	Ukupna cijena sa PDV-om (KM) (zbir jediničnih cijena)
1.	KJKP "RAD" d.o.o. Sarajevo	4.066,50	/	4.757,80

Nakon izvršenog javnog otvaranja ponude, na zatvorenom sastanku održanom dana 10.10.2025. godine, Komisija II pristupila je detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i relevantnim podzakonskim propisima.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača u dijelu tehničke i profesionalne sposobnosti, Komisija II je, na osnovu rezultata pregleda i analize, jednoglasno utvrdila da ponuda ponuđača KJKP „RAD“ d.o.o. Sarajevo ispunjava formalno-pravne, ekonomske i tehničke uslove propisane tenderskom dokumentacijom, kao i zahtjeve Ugovornog organa za predmetnu nabavku.
Shodno tome, Komisija II je pristiglu ponudu ocijenila kao prihvatljivu u smislu odredaba Zakona o javnim nabavkama.

Detaljnom računskom provjerom ispravnosti ponude, Komisija II je ustanovila da je ponuda računski ispravna, te da je ispravno obračunata ukupna cijena ponude sa PDV-om.
Sve navedeno je konstatovano u Zapisniku o pregledu i ocjeni ponuda, broj: 10/E-11-5285/25 od 10.10.2025. godine, koji je prilog ove odluke.

Nakon analize i evaluacije ponude, te primjenom kriterija za izbor najpovoljnije ponude i dodjelu ugovora „*najniža cijena*“, Komisija II je izvršila rangiranje kako slijedi:

Rang	Ponuđač	Ukupna cijena bez PDV-a (KM) (zbir jediničnih cijena)
1.	KJKP "RAD" d.o.o. Sarajevo	4.066,50

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača **KJKP "RAD" d.o.o. Sarajevo**, ulica Paromlinska broj 57, 71000 Sarajevo, broj: 4833/25 od 10.10.2025. godine, sa cijenom u ukupnom iznosu od 4.066,50 KM bez PDV-a (*zbir jediničnih cijena*), odnosno 4.757,80 KM sa PDV-om (*zbir jediničnih cijena*), kao najpovoljnije za usluge rušenja i uklanjanja bespravno izgrađenih građevina, uklanjanje bespravno postavljenih sadržaja na javnim površinama, otklanjanje opasnosti i rušenja objekata za potrebe Službe za inspeksijske poslove i komunalno redarstvo.
Sa izabranim ponuđačem će se zaključiti okvirni sporazum na period trajanja od 2 (dvije) godine. Planirana maksimalna sredstva za cijeli period trajanja okvirnog sporazuma iznose 214.102,50 KM bez PDV-a, i ista se ne mogu prekoračiti.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-5285/25 od 10.10.2025. godine



Dostaviti:

1. Ponuđaču: KJKP "RAD" d.o.o. Sarajevo,
ulica Paromslinska broj 57, 71000 Sarajevo
2. Službi za inspekcijske poslove i komunalno redarstvo
3. Kabinetu općinskog načelnika – Odsjek za javne nabavke
4. Službi za finansije
5. U spis

